



5. august 2016

UPA 2016/139

Inatsisartut suleriaasianni § 33 naapertorlugu Naalackersuisut peqquneqarnissaannik Inatsisartut aaliangiiffigisassaattut matumuuna imaattoq saqqummiuppara.

**Qasigiannugit Aasiaallu akornanni erngup nukinganik nukissiorfiliornissamut misissuineranut atatillugu nunaqarfiit qanigisaaniittut erngup nukinganik nukissiuutillu ataavartut allat atorlugit nukissiorfilernissaannik periarfissat misissoqullugit peqquneqarnissaannik siunnersuut. Misissuinermi Igalikumi nukissiuutunik ataavartunik assigiinngitsunik atuinermik misileraanermit maanna ingerlasumit misilittakkat ilanngunneqassapput misissuinerullu inernera kingusinnerpaamik UKA2017-mi Inatsisartunut saqqummiunneqassalluni.**

(Inatsisartunut ilaasortaq Ane Hansen, Inuit Ataqatigiit)

### **Tungavilersuut:**

Erngup nukinganik nukissiuutit sanaartorneqarnerani pilersaarutaasimasut malillugit tullinguukkalarpoq Qasigiannugit Aasiaallu akornanni erngup nukinganik nukissiorfiliornissaq, tamannali Naalackersuisut 2015-imi upernaakkut ataatsimiinnermi nalunaarusianni agguanneqartumi "Erngup nukinganik innaallagissiorfiliornissanut misissueqqaarnerit 2010-2014"-imi pilersaarutaajunnarsimasoq malunnarpoq, tamanna aamma siorna aningaasanut inatsisiliornermi pilersaarutaajunnarsimasoq Naalackersuisuniit oqaatigineqarpoq.

Inuit Ataqatigiit pingartippaat nunatsinni mingutsitsingitsumik nukissiuuteqarnerup suli ineriartortinneqarnissa, taamammat siunnersuutigaarput Qasigiannugit Aasiaallu akornanni erngup nukinganik nukissiorfiliornissap misissorneqarnissaa pillugu Naalackersuisut 2017-imi upernaakkut Inatsisartut ataatsimiinnissaannut saqqummiusseqquullugit piumaffigineqassasut. Kissaatigaarput nunaqarfiit illoqarfiit pineqartut qanigisaaniittut sortliit ilanngunneqarsinnaanissaannik misissuineq aamma qulaajaassasoq Igalikumilu nukissiuutunik ataavartunik assigiinngiaartunik misileraanermit misilittakkat misissuinermut ilanngunneqassasut.

### **Namminersorlutik Oqartussanut pisortanullu aningaasatigut allaffisornikkullu kingunissai:**

Siunnersuut annertuumik Namminersorlutik Oqartussanut aningaasartuutaanaviangilaq. Naatsorsuutigineqarsinnaavorli pilersaarusiornikkut kiisalu Inatsisartuni oqallisigineqarnissaanut suliassanngortinnerani piffissamik atuiffiussasoq. Taamaammat naatsorsuutigineqassaaq AC Fuldmægtigep ukiup affaanik annertutigisumik tassa 250.000 kruuninik nalilimmik suliaqartoqarnissaa.

### **Namminersorlutik inuutissarsiortunut allaffisornikkut kingunissai:**

Soqangilaq